



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Gregorivs Papa XIII.

urn:nbn:de:hbz:466:1-13589

A GREGORIVS PAPA XIII.

Statutum S. D. N. D. Gregorij Papæ xiiij. De Blasphemijs, & flagitijs Iudeorum, in quæ hæreticæ prauitatis Inquisitores animaduertunt.

Gregorius Episcopus seruus seruorum Dei, ad perpetuam rei memoriam.

Editum Romæ anno 1581.

Fuit publicati & impressum Romæ an. 1581. De materia huius statuti Eymertens Directorio p. 2 q. 45.

A NTIQUA Iudeorum improbitas, qua diuinæ bonitati semper restiterunt, tanto execrator consistit in filijs, quanto ipsi ad cumulandam patrum suorum mensuram in Dei filio reputando, eiusque in mortem nefarie conspirando grauius deliquerunt; qui propterea suis eff. et maioribus nequiores, proprijs sedibus expulsi, atque in omnes dispecti orbis terrarum regiones, seruitutique perpetuæ mancipati, non maiorem in cuiusquam ditione clementiam, quam in Christianorum Prouincijs, maxime uero in Apostolicæ pietatis gremio inuenerunt; quæ pro eorum conuersione laborans, eos misericorditer excepit, atque in cohabitatione vna cum filijs suis sustinuit; ad veritatisque lumen allucere pio semper studio conata est, rebusque ad vitæ necessarios inuit, ab iniurijs, & contumelijs prohibuit, multis denique beneficentiæ suæ priuilegijs circummuniuit: illi vero nullis beneficijs mansuefacti, nihilque de suo pristino scelere remittentes. Dominum nostrum Iesum Christum in cælo triumphantem adhuc in synagogis suis, & ubique persequuntur: Christi quoque membris insensissimi non desinunt in religionem Christianam horrenda facinora quorundem magis audere; quibus nos, ne pietatis nostræ puritas polluat, aut a fœdis mancipijs Christo, Christianorum ve nomini impune illudatur, obuiare uolentes, Statuimus ac etiam declaramus, Inquisitores hæreticæ prauitatis libere procedere posse in omnibus causis, & casibus, qui sequuntur. Si quis Iudæus, aut infidelis in ijs, quæ circa fidem cum illis nobis sunt communia, ueluti Deum unum, æternum, omnipotentem, creatorem omnium visibilium, & inuisibilium, & similia non esse asseruerit, prædicauerit, vel priuatim alicui in sinuauerit. Si demones inuocauerit, consulerit, aut eorum responsa acceperit, ad illosue sacrificia, aut preces ob diuinationem, aliamue causam direxerit, aut quid eis immolauerit, uel thuris alteriusue rei fumigationes obtulerit, aut alia quæuis impietatis obsequia præstiterit. Si Christianos verbo, factis, vel exemplo, aut alio quouis modo nefaria huiusmodi docuerit, vel ad ea perpetranda perduxerit, aut perducere attentauerit. Si Saluatorem, & Dominum nostrum Iesum Christum purum hominem, vel etiam peccatorem fuisse, Matremve Dei non esse virginem, & alias huiusmodi blasphemias, quæ per se hæreticæ dici solent in Christianæ fidei ignominiam, contemptum, aut corruptionem impie protulerit. Si cuiusuis eorum opera, auxilio, consilio, uel fauore aliquis Christianus a fide desierit, quamque semel susceperat, abnegauerit, vel ad Iudeorum, seu aliorum infidelium ritus, ceremonias, superstitiones, uel impias sectas transierit, vel redierit, seu in hæresim aliquam incidit: aut qui, ut Christi fidem abneget, seu in hæresim incidat, opem, consilium, auxilium, uel fauorem quomodocunque præstiterit. Si quis Cathecumenum, vel quemcunque ex Iudæis, aut infidelibus Deo inspirante ad fidem Christianam uenire uolentem, post declaratam nūtu, verbo, factis, aut quocunque alio modo eius uoluntatem a fide, uel fidei instructione, aut a sacri baptismi susceptione, retrahere, auertere, uel dehortari, aut ne ad fidem ueniat, neue regenerationis lauacro abluatur, quouis modo impediuerit. Si quis Apostatas, hæreticos scienter domi sui acceptauerit, aluerit, commeatu inuenerit, seu quouis modo eis cibaria ubicunque præbuerit, aut dona, uel munera dederit, uel miserit, aut de loco ad locum deduxerit, seu associauerit, vel deducendos, seu associandos curauerit, aut sumptus ministrauerit, duces comitesue illis adiunxerit, uel ne ab eis perpetrata deprehendi, aut inuestigari queant fecerit. Quinque dictos apostatas aut hæreticos scienter aliquo modo receptauerit, occultauerit, defenderit, aut eis opem, consilium, auxilium, uel fauorem quomodolibet præstiterit. Si libros hæreticos, uel Talmudicos, aut alios Iudaicos quomodolibet damnatos, aut alias prohibitos tenuerit, custodierit, uel diuulgauerit, uel in quæcunque loca detulerit, aut ad eam rem operam suam accommodauerit. Si Christianos deriserit, redemptionisque nostræ hostiam salutarem in ara Crucis immolatam, Christum Dominum ludibrio, & despectui habens, quodcunque; maxime uero in sacro Parasceues die agnum, siue ouem, aut quid aliud Cruci affixerit, aut appenderit, in eamue conspuerit, seu quodcunque contra ipsam fecerit. Si nutrices Christianas contra sacrorum Canonum statuta, diuersorumque Romanorum Pontificum prædecessorum nostrorum sanctiones adhuc retinuerit, aut eas retinens die, qua sanctissimum Eucharistiæ sacramentum sumperint, lacuno, uel pluribus diebus in latrinas, cloacas, uel alia loca effundere coegerit. In quibus casibus uniuersis, & singulis omnes prædictæ prauitatis Inquisitores omnium Regnorum, Prouinciarum, Comitatum, Dominiorum, & locorum uniuersi orbis Christiani Iudices in suis quemque locis perpetuo delegamus, ut super his contra Iudæos, atque infideles quoscunque simul, uel separatim, prout in causis fidei iuxta sacrorum Canonum formam, necnon officij Inquisitionis huiusmodi constitutiones, diligenter inquireant, & procedant, & quos in aliquo uel aliquibus horum flagitiorum e excessibus culpabiles repererint, in eos pro culpæ modo, ac etiam pro criminum numero, uel multiplicatione, aut consuetudine declin-

delinquendi, flagra, remigia, etiam perpetua, rerum quoque publicationes, exilia, aliaque atrociora de cernant, & aliis de eis exempla edant, quæ sceleratos illos deterreat ab huiusmodi flagitijs in posterum admittendis. Nos enim venerabilibus fratribus nostris S. R. E. Cardinalibus Inquisitoribus generalibus, necnon Patriarchis, Archiepiscopis, Episcopis, & alijs locorum Prælati, ac etiam alijs prædictis Inquisitoribus in virtute sanctæ obedientiæ districtè præcipimus, & mandamus, ut præsentibus nostras litteras in Ciuitatibus, & locis cuique subiectis publicare, & iuxta illarum tenorem procedere, ipsasque debitæ executioni mandate procurent. Decernentes irritum, & inane quicquid secus per quoscunque scienter, vel ignoranter contigerit attentari. Non obstantibus constitutionibus, & ordinationibus Apostolicis, necnon exemptionibus, priuilegijs, immunitatibus, com meatibus, in fidem publicam receptionibus, & tolerantijs prædictis, Iudejs, & alijs infidelibus Maranis, & Apostatis, tam in Dominijs, Terris, & locis nostris, & sedi Apostolicæ mediate, vel immediate subiectis, quam alibi ubicunque Regnorum, Prouinciarum, & Dominiorum, gentium, & locorum commorantibus, uel in ea ex quibusuis Regnis, & partibus tam fidelium, quam infidelium confluentibus, eorumque Iudicijs, aduocatis, & defensoribus quacunque auctoritate, potestate, & dignitate fungantur, etiam ad instantiam Imperatoris, Regum, Ducum, & quorumuis aliorum Principum tam per fel. rec. Paulum III. Decimo Kal. Martij, & Iulium etiam III. Non. Decembris, Tertio anno sui cuiusque Pontificatus, quam etiam quoscunque alios anteriores, & posteriores Romanos Pontifices, ac nos, & sedem Apostolicam, eiusque legatos, ac etiam Cameram Apostolicam sub quibuscunque tenoribus & formis, ac cum quibusuis clausulis, & decretis, etiam Motu proprio, & alijs quomodocunque hæcenus concessis, confirmatis, & innouatis, atque in posterum concedendis, confirmandis, & innouandis; quæ omnia etiam si de illis, illorumque totis tenoribus specialis, specifica, expressa, & indiuidua mentio, aut aliqua alia forma ad hoc seruanda foret, tenores huiusmodi, ac si ad verbum infererentur præsentibus pro plene expressis habentes harum serie specialiter, & expresse reuocamus, abrogamus, & omnino abolemus, ceterisque contrarijs quibuscunque. Volumus autem præsentibus in locis ubi conferretis de more publicari, & earum exemplis etiam impressis manu Notarij publici, & sigillo Sanctæ Romanæ, & vniuersalis Inquisitionis, vel personæ in dignitate Ecclesiastica constitutæ munitis, eandem prorsus fidem ubique tam in iudicio, quam extra illud adhiberi, quæ adhibetur eidem præsentibus si esse exhibita uel ostensa. Nulli ergo omnino hominum liceat hanc paginam nostrorum statuti, declarationis, delegationis, præcepti, mandati, decreti, reuocationis, abrogationis, abolitionis, & voluntatis infringere, uel ei ausu temerario contraire. Si quis autem hoc attentate præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursurum. Dar. Romæ apud Sanctum Petrum Anno Incarnationis Dominicæ Millesimo quingentesimo octuagesimo primo, Kal. Iunij, Pontificatus nostri anno decimo.

M. Datarius.

Cæs. Glorietius.

A. de Alexijs.

Anno a Natiuitate Domini M. D. LXXXI. Indictione nona, die vero decima mensis Iunij, Pontificatus sanctissimi in Christo patris & D. N. D. Gregorij diuina prouidentia Papæ xij. An. decimo, Retroscriptæ litteræ Apostolicæ, affixæ & publicatæ fuerunt ad Valuas Ecclesiæ S. Ioan. Latheranensis, Basilicæ principis Apostolorum de Vrbe Cancellariæ Apost. et in Acie Campi Floræ, ac etiam ad Valuas septi Hebraeorum, per nos Petrum Aloysium Gayam, et Nicolaum Taglietum, Apostolicos Cursores.

Antonius Ludouicus Magister Curs.

S. D. N. D. Gregorij Papæ XIII. Constitutio de prædicatione faciendâ
Judeis semel in Hebdomada.

Edita Romæ
anno 1584.Fuit publicata
& impressa Ro
mæ anno 1584.

REGORIVS Episcopus seruus seruorum Dei, ad perpetuam rei memoriâ. Sancta Mater Ecclesia, cuius Christus caput est, ingenitam suam charitatem ad omnes late diffundens, antiquæ Israeliticæ gentis, populique Dei peculiare reliquias nunquam desinit affectu miserari; grauiterg; contristatur Iudæorum quondam nationem præcipuis auctam muneribus, & gratijs (cuius erat adoptio filiorum, gloria, testamentum, legislatio, obsequium & promissa, unde etiam Christus Saluator noster secundum carnem nasci dignatus est) per diuersas orbis partes tot iam sæcula dispersam; ac contagiosi gregis more per inuia, & inaquosa misere uagantem, uerbi Dei fame, & aquæ refectionis siti perire, longeque non a terrena tantum, super quam Dominus fleuit, sed quod grauius est, a cælesti quoque Hierusalem, nisi Christum, quem negauit confiteatur, exturbari: Quæ miseratione; & mærore nos quoque non leuiter commoti, in dies semper aliquid excogitamus, unde eorum conuersioni & saluti opportunus prouideatur, ipsisque ad intelligentiâ uiam, quam sibi præcluserunt, ualeant